



Кун нафаси

Президент Шавкат Мирзиёев Имом Бухорий мажмуеси ва Самарқанд туманидаги Туризм марказида олиб борилган бунёдкорлик ишлари билан танишди.




Ўзбекистон Республикаси Президенти Шавкат Мирзиёевнинг тақлифига биноан Туркменистон Президентини Сердар Бердимухамедов 14-15 июль кунлари давлат ташрифи билан мамлакатимизда бўлди.

Конституциявий қонун лойиҳасининг муҳокамаи 1 августга узайтирилди.



Нукус, Хива, Наманган ва Тошкент шаҳарларидаги Президент мактаблари Халқаро мактаблар кенгаши (CIS) аъзолигига қабул қилинди.



15 июль Ўзбекистонда 200 минг сўмлик банкнота муомалага чиқарилди.



Пойтахтимиздаги «Hilton Tashkent City» меҳмонхонасида «Электр энергетика соҳасини трансформация қилиш ва электр энергиясини барқарор узатиш» лойиҳасини ишга туширишга бағишланган тадбир ўтказилди.

Талабалар ўқишни хорижий мамлакатлардаги (жумладан, халқаро тан олинган рейтингларда биринчи 1 000 та ўриндан бирини эгаллаган) олий таълим ташкилотларидан давлат ОТМнинг мос ва турдош таълим йўналишларига кўчириш бўйича аризаларни онлайн қабул қилиш бошланди.

Интернет хабарлари асосида тайёрланди

Ishonch

Юрт тараққиёти йўлида бирлашайлик!

2022 йил
16 июль
шанба
№ 87 (4683)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

БИЗ БИР ЭЛМИЗ, БИР ХАЛҚМИЗ, ЯНГИ ЎЗБЕКИСТОН БУНЁДКОРЛАРИМИЗ!



Жиззах вилояти

Ташаббус

ЎЗБЕКИСТОН КАСАБА УЮШМАЛАРИ ФЕДЕРАЦИЯСИ ТАШАББУСИ БИЛАН УШБУ ШИОР ОСТИДА ҚОРАҚАЛПОҒИСТОНЛИК БИР ГУРУҲ ЎҒИЛ-ҚИЗЛАР ЁЗГИ ТАЪТИЛНИ ЖИЗЗАХ ВИЛОЯТИНИНГ СЎЛИМ ҒЎШАЛАРИДА ЎТКАЗМОҚДАЛАР

Нукусдан поездда йўлга чиққан Оролбўйи минтақасининг 135 нафар иқтидорли ўғил-қизлари ва кўмакка муҳтож оила фарзандлари Жиззах темир йўл вокзалида карнай-сурнай, доира-ю ноғора садолари остида тантанали кутиб олинди. Ўқувчи-ёшларга махсус кийим-бош ва бошқа зарур маиший жиҳозлар тарқатилган, улар давлат арбоби,

ёзувчи Шароф Рашидов ҳайкали пойига гулчамбар кўйилди. Сўнгра ёш меҳмонлар махсус автобусларда Шароф Рашидов туманидаги «Energy» оромгоҳига етказиб кўйилди. Оромгоҳда болажонлар бўш вақтларини мазмунли ўтказишлари учун барча шарт-шароит муҳайё этиб кўйилган.

Бу ерга Беруний туманидан келдик. Бизни жуда яхши кутиб олишди, – дейди тарбиячи Одина Анатолиева. – Жиззах шаҳри чиройли экан. Ҳавоси ҳам тоза, мусаффо, бизга жуда ёқди. Болаларнинг кайфияти аъло. Мароқли дам олиб, янги ўқув йилига соғлом, хуш кайфият билан қайтишни мақсад қилганмиз. Шундай имконият яра-

тиб берилгани учун давлатимиз раҳбаридан миннатдормиз. – Мен китоб ўқишни жуда севаман, – дейди Моҳинур Маратбоева. – Кутубхонада китобларнинг кўплиги кайфиятини янада кўтариб юборди. Бундан ташқари, тўғарак машғулотлари ҳам жуда қизиқарли ўтпти. – Менга спорт секциялари, айникса, чўмилиш ҳаваси жуда ёқди,

– дейди Чаросхон Иброҳимова. – Оромгоҳга келиб янги дўстлар орттирдим. Биз Қорақалпоғистонга қайтиб борганимиздан сўнг шу дўстларим билан хат ёзиб туришга келишиб олдик. Уйга боргач, мактабдошларимга таассуротларимни сўзлаб бераман.

Муқимбой ИСМОИЛОВ,
«ISHONCH»

У VISA

«МИЖОЗ БАНК УЧУН ЭМАС, БАНК МИЖОЗ УЧУН»

ушбу шиор қачон кундалик ҳаётда ўз ифодасини топади?

Айни кунларда Андижонда банкоматдан нақд пул олиш – муаммо. Айниқса, «Uzcard» пластик картасидан пул ечиш бошқорик бўлмоқда.

Андижон вилояти

МАРКАЗИЙ БАНК ЭЪТИБОРИГА!

«МИЖОЗ БАНК УЧУН ЭМАС, БАНК МИЖОЗ УЧУН»

ушбу шиор қачон кундалик ҳаётда ўз ифодасини топади?

Мен ҳам мазкур масалада «Агробанк»нинг Избоскан филиалига мурожаат қилдим. Аммо банк ходимининг «пластик картангиз «Uzcard» бўлса, маблағни уч кундан сўнг нақдлаштириб беришимиз мумкин», деган гапини эшитиб, ҳафсалам пир бўлди. Елиб-югуриб, «Uzcard»даги пуллари «Нитро»га ўтказиб (бир фойз эвазига, албатта), маблағимни аранг нақдлаштирдим.

Кошки эди, бундай елиб-югуришлар бир марталик бўлса...

Ушбу жараён амалиётга жорий қилинаётган кезларда мутасаддилар пластик картадан фойдаланган миқозга икки фойзли устама қўшиб беришни ваъда қилишганди. Шунингдек, пластик картага ўтказилган нафақа пуллари нақдлаштириш жараёнида ҳеч қандай фойз ушлаб қолинмаслиги ҳақида айтилганди. Аммо шу пайтгача бирон бир миқозга икки фойзли устама тўлаб берилганини эшитганим йўқ.

Аслида тижорат банклари томонидан аҳоли пластик картасидаги маб-

лағларни банкоматлар орқали нақдлаштирилганда, бир фойз миқдоридан комиссия тўлови ушлаб қолиниши ҳам қонунга зид. Мисол учун, аҳолининг 10 фойзи бир ойда ўртача 1 миллион сўмдан банкоматлар орқали пул маблағларини нақдлаштирса, ойда 30 миллиард сўм, йилига эса 350 миллиард сўмдан ортиқ пул маблағлари банклар ҳисобига ушлаб қолинади. Ваҳоланки, банклар тўғрисидаги қонунда пластик карталардаги ойлик маошларни нақдлаштириш жараёнида максимал даражада 1 фойзгача банк хизмати ушлаб қолиниши белгиланган.

Хўш, шундай экан, нима сабабдан шу вақтгача миқозлардан максимал даражадаги бир фойз ушлаб қолинмоқда?

Қолаверса, «Click», «Payme» ва бошқа онлайн тўловлардаги устамалар ҳам банк фойдасига. Халқаро пул ўтказмаларини олиш учун банклар эшиги ёнида соатлаб, баъзида кунлаб навбат кутаётган одамларни-ку, айтмаса ҳам бўлади.

Марказий банк мутасаддилари мазкур ҳолатни қандай изоҳлашади? Умуман, банклар пештоқини беэзаб турган «Мижоз банк учун эмас, банк миқоз учун» деган шиор қачон кундалик ҳаётимизда ўз ифодасини топади?

АНВАРЖОН ҲАЛИМОВ,
«ISHONCH»

Хоразм вилояти

Тарғибот

Тўғридан-тўғри ишлайдиган меъёрлар

Хоразмлик касаба уюшма аъзоларини «Ўзбекистон Республикасининг Конституциясига ўзгартиш ва қўшимчалар киритиш тўғрисида»ги конституциявий қонун лойиҳаси, конституциявий ислохотлар моҳияти ва аҳамияти билан таништириш мақсадида жойларда давра суҳбатлари ташкил қилинмоқда.

Соғлиқни сақлаш ходимлари касаба уюшмасининг Хоразм вилояти кенгаши бошланғич касаба уюшма ташкилотлари раислари иштирокида уюштирилган тадбир қизгин фикр-мулоҳаза ва таклифларга бой бўлди.

Тадбир иштирокчилари янгилаётган Конституциянинг халқчил эканини, унда жамиятнинг турли ижтимоий қатламларига мансуб бўлган фуқароларнинг манфаатларини таъминлаш ҳамда ҳимоя қилишга қаратилган тўғридан-тўғри ишлайдиган меъёрлар киритилганини таъкидлашди.

– Конституциявий қонун лойиҳасида ижтимоий сийosat билан боғлиқ бир қатор ўзгаришлар борлиги давлатимиз томонидан амалга оширилаётган халқпарвар сийosatни янада мустақамлашга хизмат қилади, – дейди Соғлиқни сақлаш ходимлари касаба уюшмасининг Хоразм вилояти кенгаши раиси Рашид Йўлдошев.

Ўзгаришларни муҳокама қилиш жараёнида иштирокчилар бир қатор таклифларни илгари сурдилар. Жумладан,

вилоят кенгаши мутахассиси Гулхоним Аминова 63-моддан иккинчи устунидаги «Никоҳ аёл ва эркекнинг ихтиёрий розилигига ва тенг ҳуқуқлилигига асосланади» жумласидан олдин «Ўзбекистон Республикаси ҳудудидан никоҳ фақат аёл ва эркек ўртасида тузилади» деган қўшимчани, Богот тумани тиббиёт бирлашмаси касаба уюшма кўмитаси раиси 50-моддага «Фуқаролар атроф-муҳитни асраб-авайлаш ҳамда табиий бойликлардан оқилона фойдаланишга мажбурдирлар» жумласини қўшишни таклиф этдилар.

Иштирокчилар конституцион ислохотлардан мамнун эканликларини ва қўллаб-қувватлашларини билдирдилар.

Бу каби тадбирлар барча бошланғич ташкилотларда бўлиб ўтди.

МУҲАББАТ ТўРАБОЕВА,
«ISHONCH»

Фаргона вилояти



Фаргона шаҳридан ҳавога кўтарилган «олтин қанот» куш оппоқ булутлар кўксини тилиб, манзилга ошиқади. Пастга қадалган нигоҳлар бир қарашда яшил тўн кийган дарахтларни, «ер томирлари»дан оқаётган зилол сувларни, аллазамонлар Буюк Ипак йўли бўйлаб ҳаракатланган баланд ўрқачли туяларни эслатувчи тоғларни яхши илғайди. Арча шаклида қурилган янги муҳташам мажмуага кўзи тушган киши эса беихтиёр «Самолётни тўхтатинг, мен тушиб қоламан», деб юборади.

Меъдоннинг ширин каломи қулоққа чалингандай бўлади: «Ассалому алайкум, меҳмони азиз!»

«Зангори олов»да ЗАВЎЛИ ТАЪТИЛ


«Худудгаз Жиззах» газ таъминоти филиали ходимларининг 150 нафар ўғил-қизлари Форш туманидаги сўлим тоғ бағрида жойлашган «Зангори олов» оромгоҳида таътилни ўтказишмоқда.



Муаззам тоғлар, шарқироқ сойлар, хушманзара табиат кўйидаги оромгоҳда барча шароитлар муҳайе. Мавсум бошланиши арафасида масканд таъмирлаш ишлари олиб борилиб, янги мебеллар билан жиҳозланди. Турли тўрақлар фаолияти йўлга қўйилди. Инглиз тили, компьютер саводхонлиги машғулотларида болалар билимларини ошириш имконига эга бўлишса, спорт тўрақларида чигилёзди машқларини бажаришади. «Тоғ ёнбағрига саёҳат», «Ёш ўлкашунослар», «Табиатни ўрганишимиз», «Қим билимдон?» каби лойиҳалар болаларнинг вақтини мазмунли ўтказишига имкон яратмоқда.

Яна бир муҳим жиҳат, турли мавзулардаги бундай бахс-мунозаралар болаларнинг тенгдошлари билан фикр алмашиши, мустқил ва ижодий фикрлаш қобилиятларини ривожлантиришга кўмак бермоқда.

Муқимбой ИСМОИЛОВ,
«ISHONCH»



ларини кўргани келган ота-оналар улар шундай хурмат-этиборга лойиқ кўрилганидан беҳад хурсанд бўлишмоқда.

– Авваллари ўғил-қизларимиз ёзги таътилга чиққач, зерика бошларди, – дейди 14-мактаб директори Садриддин Хушёрӣ. – Нотўғри йўللарга кириб кетмасликларини учун биз уларни кундалик юмушлар билан шуғулланишга ундардик. Ўқиш бошланса, дарс тайёрлашга киришиб кетишлари ҳам анча қийин кечарди. Масалага шу жиҳатдан ёндашганда, оромгоҳ қурилгани кўнгилдаги иш бўлди. Унда яратилган шароитлар учун ташкилотчиларга ва бинокорларга ҳар қанча раҳмат айтсак, арзийди.

Садриддин аканинг гапини ҳамқишлоқлари ҳам тасдиқлашди. Уларнинг таъкидлашларича, охириги икки йил сўхликлар йили бўлди. Анклав туманда аэропорт барпо этилиб, самолётлар қатнаш бошлади. Президентимизнинг сиёсий иродаси туфайли Риштондан Қирғизистон орқали Сўхга борувчи йўللари очилди. «Қалбимиз каби йўлларимиз ҳам Ватанимизга тобора яқин бўлди. Айтишга осон, лекин бу муаммо ичимизни кемираётган дард эди. Энди эса кўксимизга шамол тегади», дейишди улар.

Оромгоҳга набираларини ёки фарзандларини кўргани келганлар уларнинг одоб-ахлоқидоги, ўзларини туттишидаги ўзгаришларини сезиб, бир-бирларига маъноли қараб кўйишади. Болаларнинг амфитеатрда жаранлаган қўшиқлари ҳар оқшом дарё тоғлардан ошиб, бутун Сўх бўйлаб таралади. Ой ёруғида катта саҳнада ўқилган шеърлар, театрлашган



саҳна кўринишлари, рақслар, хуллас, ердаги митти «чолдуз»ларнинг ижодий қобилиятини намоён қиладиган санъат асарларини барча бирдек олқишлайди.

Бошланажак янги кун ҳам яхши келишидан умидвор кўзлар баланд тоғлар нафасию шовуллаган сувлар насимидан ором олади. Истиқбол нурлари болаларнинг тушларини-да ёритиб бораётганга ўхшайди. Бу сирли оғушда фақат бир ҳақиқат кундек аён: Эртага ВАТАН кутмоқда уларни!

Гўзал ОХУНОВА

ОТАЁТТГАН ҲАР ТОНГ БОЛАЛАРНИКИ

Президентимиз ташаббуси билан бунёд этилган

«Сўх» оромгоҳи қисқа фурсатда гавжум ва файзли гўшага айланди

Х а, бугун водий кўксига тумордек ярашиб тушган яшил маскан – Сўхда меҳмон бўлишнинг завқи бўлакча. Бизнинг эйтиборимизни эса салобатли «Сўх» болаларни соғломлаштириш оромгоҳи ўзига жалб этади. Зеро, Президентимиз ташаббуси билан Ўзбекистон касаба уюшмалари Федерацияси томонидан қисқа фурсатда азим тоғлар бағридаги 5 гектар майдонда салкам 28 млрд. сўмлик маблағ эвазига қурилган 200 ўринли бу замонавий иншоот кишини ҳайратга солиши табиий. Бир маҳаллар шоліпоядан иборат бўлган, кўпинча хувиллаб ётган жой бугун болалар билан гавжум обод гўшага айланган-да ахир! Кичикинтойлар оромгоҳи ҳақида бой таассуротларга эга бўлишгани уларнинг ёниб турган кўзларидан билиб олиш мумкин.

– Мол боқардик. Олма-ўрик қоқиб, томларда мева қуритардик, – дейди улардан бири.

– Илгари бунақа оромгоҳимиз йўқ эди-да, – кўшимча қилади бошқаси. «Бир кунгина дунёни болаларга берайлик!» деб ёзган турк шоири Но-

зим Ҳикмат. Бу ерда эса отаётган ҳар тонг болаларники. Оромгоҳни тўлдириб жаранлаган широрлар эса вақти келиб, ҳақиқатга айлангай: «Аъло хони кори мо, пешрови шиори мо». «Биз буюк мақсад билан йўлга чиққан ўғил-қизлар, Янги Ўзбекистоннинг бунёдкорлари бўламиз!»

– 20 йилдан буён ёз фаслида 20-30 нафар болакайни Кўқондаги «Коинот» дам олиш масканига элтардим, – дейди оромгоҳ директори Таваккал Эрқаев. – Ўзимизда мукамал шароитга эга бундай оромгоҳ бўлишини тушимизда кўрардик, холос. Президентимиз ташаббуси билан ўша туш ўнгга айланди. Жорий йилги ёзда янги оромгоҳда 1000 нафар болани соғломлаштиришни режалаштирганмиз.

Оромгоҳда 7-14 ёшли болалар 12 кун дам оладилар, қизиқишларига қараб машғулотларда қатнашадилар. Ҳар бир гуруҳга тарбиячи, ёрдამчи етакчилар бириктирилган бўлиб, тўрақларга олий маълумотли мутахассислар раҳбарлик қилишади. Асосий этибор болаларнинг вақти мазмунли, мароқли ва са-



марали ўтишига қаратилади.

– Оромгоҳ ҳозирданок ўғил-қизлар дунёқарашига ижобий таъсир ўт-

каза бошлади, – дейди директор ўринбосари Мухаммаднор Пирматов.

– Улар бу ерга келган дастлабки кунларда «Келажакда ким бўлмоқчисиз?» деган мавзуда суҳбат ўтказдик. Аксарияти елка қисич билан чекланди. Оромгоҳдан қайтишга эрта ҳам худди шу саволни бергандик, уларни тўхта-тиб бўлмади. Негаки, қисқа фурсатда орзу қилишни, олдларига аниқ мақсад қўйишни ва шунга яраша интилишни ўрганишди. Қалбларида ўзларига ва келажакка ишонч уйғонди.

Маскандоги барча тўрақ хоналари тушга қадар банд бўлади. Биз эшикларни бирма-бир очиб, болалар инглиз тилида бийрон-бийрон гапирётганига, мусиқа асбобларини маҳорат билан чалаётганига, билимларини чарлаб, тасвирий санъат намуналарини яратётганига гувоҳ бўлдик. Муъжазгина кутубхонада Ҳофиз Шерозӣ, Фирдавсий, Алишер Навоӣ сатрлари янграётганини эшитиб, болалар мумтоз адабиётлар булогидан баҳраманд бўлишгаётганини англадик. Рухшон Азимбекова ва Сарвиноз Хусенова каби қиз-

лар «Ёш китобхон» танловига тайёргарликни бошлаб юборишгани, «Энди Президент совғаси – «Спарк» автомобили сўхлик китобхонларники бўлади!» деган эзгу мақсад йўлида белни маҳкам боғлашганидан қувондик.

Жаҳон стандартлари талабларига мос сузиш ҳавзасидаги машғулотларда қатнашётган, спорт майдончаларида волейбол ва баскетбол ўйнаётган жамоалар жисмонан чинқишдан ташқари, ўзаро бирдамлик шуқуқини, ғолиблик кайфиятию мағлубият аламини қалбани ҳис этаётганликларини туйдиқ.

Бугунги спорт мусобақалари эртага Ўзбекистон байроғини баланд кўтарадиган жаҳон чемпионларини тарбиялаётган бўлса не ажаб!

Болаларнинг соғлиғи Сўх тумани кўп тармоқли марказий поликлиникаси педиатри Саидзимхон Аҳмедов томонидан назорат қилиб борилмоқда. Замонавий усулда қурилган ётоқхона бинолари, шийпонлар, ложувард фаввора, барча шарт-шароитлар ва қулайликларга эга ошхона, ювиниш хоналари замонавий меъбел ва жиҳозлар билан таъминлангани дам олувчилар росмана ҳордиқ чиқаришларига хизмат қилмоқда. Фарзанд-



Жамоа шартномасида белгиланганидек...

Таълим ва фан ходимлари касаба уюшмаси Урганч шаҳар кенгаши тасарруфида 84 та бошланғич ташкилот мавжуд. Уларнинг барчасида жамоа шартномалари қабул қилинган бўлиб, бу мавсумда 200 нафар касаба аъзоларининг фарзандларини имтиёзли соғломлаштириш режалаштирилган эди.

Ш у кунгача вилоятдаги «Алпомиш», «Шунқор», «Жайхун куёши» ва «Шодлик» оромгоҳида 164 нафар бола дам олдирилди. Бу даврда фарзандлари ҳолидан хабар олгани борган ота-оналар яратилган шарт-шароитлар билан танишиб, барча оромгоҳларда ёш авлод вакиллари-нинг мароқли ҳордиқ чиқариш имкониятлари етарлича эканини эътироф этдилар.

Дарҳақиқат, оромгоҳларда ҳаёт қайнаётди. Ҳар кун маънавий-маъ-

рифий тадбирлар, спорт мусобақалари уюштирилмоқда. Болаларнинг учун турли танловлар ташкил қилиниб, фаол иштирокчилар рағбатлантирилмоқда. Кутубхона, турли тўрақлар ташкил қилинган. Буларнинг барчаси ота-оналар ва фарзандларнинг қувончига сабаб бўлмоқда.

Кейинги навбатларда яна 31 нафар бола дам олдирилиши белгиланган.

Сафаргул БЕРДИЕВА,

Таълим ва фан ходимлари касаба уюшмаси Урганч шаҳар кенгаши раиси



Элёр Олимов олган суратлар

